



CONCELLO DE REDONDELA

CONVENIO DO CONCELLO DE REDONDELA COA ASOCIACIÓN MILLO VERDE.

En Redondela, a 30 de maio do 2025

REUNIDOS

Dunha parte a alcaldesa do Ilmo. Concello de Redondela, Dona Digna Rosa Rivas Gomez, na representación do Concello de Redondela.

De outra, Don Óscar Lusquiños Puga, con DNI 77008287D que ostenta a Presidencia da Asociación Millo Verde con CIF G36590800, e enderezo na Rúa Eduardo Blanco amor, nº 1 Portal D1, Planta 3, Puerta E cuxa representación manifesta neste acto.

Ambos recoñécense capacidade, representación e poder suficiente para subscribir o presente convenio, polo que a tal efecto.

EXPOÑEN

PRIMEIRO.- Que Concello de Redondela ten competencia en materia de Promoción da cultura e equipamentos culturais; todo elo segundo establece a letra m) do apartado segundo do artigo 25 da Lei 7/85, de 2 de abril, Reguladora das Bases de Réxime Local.

Ademais, de conformidade co artigo 25.1 do mesmo texto legal, os Municipios, para a xestión dos seus intereses e no ámbito das súas competencias, poden promover toda clase de actividades e prestar cantos servizos públicos contribúan a satisfacer as necesidades e aspiracións da comunidade veciñal.

SEGUNDO.- Que a Asociación Millo Verde figura inscrita no Rexistro Municipal de asociacións co número 208. Que de conformidade co sinalado no artigo sexto dos seus estatutos a Asociación Millo Verde establece que para o cumprimento dos seus fins (artigo 5º) realizará entre outras actividades a "organización do Festival Millo Verde".

Que sendo os obxectivos sinalados de marcado interese público e social, é propósito de ámbalas dúas partes colaborar na consecución e logro das mesmas polo que subscriben o presente convenio con arranxo ós seguintes

ANTECEDENTES

PRIMEIRO.- Que a Asociación Millo Verde presenta:

- A) Cumprimento dos requisitos do artigo 13 da Lei 38/2003, de 17 de novembro, Xeral de Subvencións.
- B) Certificación de estar ó corrente coas obrigas tributarias e coa Seguridade Social.
- C) Declaración responsable respecto a obriga contida no artigo 25 do Real Decreto 887/2006, de 21 de xullo, polo que se aproba o Regulamento da Lei 38/2003.



- D) Declaración responsable de non ter solicitada nin concedida ningunha outra axuda para a mesma finalidade, ou de telas, declaración das mesmas e que o importe xustificado supere o importe total das axudas concedidas e/ou solicitadas

SEGUNDO.- A Asociación Millo Verde ven desenvolvendo o Festival Millo Verde. Esta actividade vai redundar en beneficio dos veciños de Redondela que van ter a oportunidade de asistir ó evento citado. A maiores este festival terá unha importante repercusión e será un polo de atracción.

Debido as características singulares e propias deste evento cultural non é posible encadrar esta subvención dentro dun procedemento de concesión de subvencións de concorrencia.

En virtude do anteriormente exposto, o Concello de Redondela e a Asociación Millo Verde acordan subscribir un convenio de colaboración con base nas seguintes:

CLÁUSULAS

PRIMEIRA.- Que a Asociación Millo Verde está interesada en recibir unha achega por parte do Concello de Redondela co obxecto de poder sufragar parte dos gastos que implica a realización do **XVIII Festival Millo Verde que se celebrará do 5 ao 7 de xuño do 2025**. Encádrase dentro da xa extensa labor, dentro das súas posibilidades, que se realiza por parte do Concello no ámbito da prestación de servizos no ámbito da cultura.

SEGUNDA.- Que o Concello de Redondela está interesado en mellorar a realización deste festival musical que pon en valor a vila para os seus veciños e que se converta nun xeito de colmar as aspiracións no eido da prestación de servizos culturais dunha parte da poboación ó achegarlle unha disciplina do mundo da música que non é doado de atopar nos circuitos comerciais, todo elo dentro da competencia xenérica do Ilmo. Concello de Redondela para satisfacer todo tipo de necesidades veciñais que lles outorga o artigo 25.1 da Lei 7/85, de 2 de abril, Reguladora das Bases de Réxime Local.

TERCEIRA.- Tal como se establece no punto anterior, estando o Concello de Redondela interesado na promoción de dita actividade cultural e como se di na exposición segunda, tendo a realización desta actividade unha importante repercusión nun ámbito como é o da cultura. É por elo que se demostra deste xeito o interese social polo que o Concello de Redondela ven de decidir de asinar un convenio coa Asociación Millo Verde.

Así, no Orzamento aprobado polo Pleno do Ilmo. Concello de Redondela o 29 de xuño 2022 e publicado o día 4 de agosto de 2022 no Boletín Oficial da Provincia prorrogado para o ano 2025, recóllese a aplicación orzamentaria 3341A/489.0001 para o outorgamento da subvención. Con posterioridade por acordo do Pleno do 27 de febreiro de 2025 aprobouse outorgar unha subvención por importe de 20.000 € (VINTE MIL EUROS) a cal articularase, atendendo ás peculiaridades da actividade a fomentar, a través do presente convenio para o patrocinio e fomento dos fins de utilidade e interese social antes comentados e de competencia de ambas entidades.



CUARTA.- A Asociación Millo Verde comprométese a realizar as actividades antes mencionadas, e en concreto a:

a) A organizar o Festival Millo Verde, conforme ás obrigas que a normativa local, autonómica e estatal establece para os organizadores de festivais.

b) Facer constar naquelas actividades subvencionadas que así o permitan, ca mesma conta coa subvención do Concello. Na publicidade impresa deberá constar o escudo e nome do Concello de Redondela. As mencións deberán efectuarse en lingua galega. A Asociación comprométese a unha utilización respetuosa do nome e imaxe do Concello de Redondela.

c) A presentar calquera outra documentación que lle sexa solicitada polo Concello, en relación co outorgamento da subvención.

d) A Asociación Millo Verde, comprométese a facer un uso responsable das instalacións, medios ou recursos, que no seu caso, poña a súa disposición o Concello sen causar danos nos mesmos.

QUINTA.- Así mesmo comprométese a cumprir coas obrigas dos beneficiarios establecidas na lexislación aplicable que se recollen como anexo deste convenio e en especial a aportar facturas ou documentos substitutivos de facturas, orixinais ou debidamente compulsadas co obxecto de verificar que a actividade se desenvolveu. A conta xustificativa da subvención deberá presentar a relación total de gastos e de ingresos xerados tanto para a celebración do festival percibidos a través doutras Administracións Públicas, venda de entradas, donacións, publicidade, venda de produtos, comida ou bebidas, etc., que se xeren co mesmo. De xeito que de resultar un beneficio, a subvención minorarase na parte proporcional. Así mesmo, a xustificación só se poderá referir a gastos realizados para sufragar o obxecto deste convenio. No caso de que ó finalizar o prazo para a xustificación, non se xustificara a totalidade da subvención procederáse automaticamente á anulación da subvención polo non xustificado.

A subvención municipal dará cobertura para colaborar na realización do festival, especialmente tendo en conta que se realiza un día totalmente gratuito en aras de fomentar a cultura e actividades relacionadas coa música que engloba este festival.

As facturas que se presenten para a xustificación deberán ser emitidas conforme ó establecido legalmente no Real Decreto 1619/2012, de 30 de novembro. En caso contrario, a factura non contará para a xustificación. Con carácter xeral, a xustificación terá unha relación directa coas actividades subvencionadas, en concreto na contratación dos artistas 31.940,50€, do equipo de son e luces 11384€, escenarios 1.900€, estruturas móbiles 8.258,25€, o seguro de responsabilidade civil 970€, seguridade e ambulancia 8128,96€, publicidade, Backline 2656,19€, xeradores 1.815€ . Os gastos xustificadas NON poderán ter o carácter de investimento. No caso de que se presenten copias das facturas, aparte de que estas deberán estar debidamente compulsadas, o beneficiario deberá presentar as facturas orixinais para que sexan seladas polo Concello/Deputación onde se faga constar que a factura utilizouse para xustificar unha subvención. As facturas que se presenten na xustificación deberán atoparse pagadas e aportar o xustificante bancario das mesmas. **Non se aceptarán como xustificación facturas pagadas en efectivo.**

En caso de que a xustificación se realice mediante documentos substitutivos de facturas deberá poñerse de manifesto as razóns polas que non se pode xustificar o gasto con facturas. A apreciación deste feito será realizada polo órgano que aprobe a xustificación. En caso de que non este conforme coa xustificación requirirá á Asociación Millo Verde a que presente outra xustificación de acordo co establecido na




lexislación pertinente.

Se a xustificación non alcanza a cantidade mínima necesaria para realizar o pago da cantidade concedida, esta se reducirá proporcionalmente á cantidade xustificada.

O pagamento realizarase con carácter ex-ante por importe de 12.000 € (DOCE MIL EUROS), a deducir da cantidade total recollida na base terceira, unha vez producida a sinatura deste convenio. A cantidade restante será pagada unha vez presentada a xustificación. **O prazo máximo para a xustificación será de 3 meses dende o remate do Festival (7 de Setembro).**

Así mesmo, coa xustificación da subvención a Asociación Millo Verde deberá presentar:

1. Memoria detallada da actividade realizada, en que consistiu, e o número de asistentes ó festival.
 2. Que as facturas se axustan á finalidade recollida no convenio.
 3. Que non se atopa en ningún dos supostos establecidos no artigo 13 da LXS ou no artigo 10 da LSG que a inhabiliten para obter a condición de beneficiario da subvención.
 4. Certificado de atoparse ó corrente das súas obrigas tributarias co Concello de Redondela.
 5. Certificado de atoparse ó corrente no cumprimento das súas obrigas tributarias e fronte á seguridade social.
 6. Que non ten solicitada nin concedida ningunha outra axuda para a mesma finalidade, ou de telas, declaración das mesmas e que o importe xustificado supere o importe total das axudas concedidas e/ou solicitadas.
 7. Unha certificación de atoparse ó corrente do cumprimento da obriga de reintegro de subvencións.
 8. Unha declaración de que o custe do IVE que aparece nos documentos que presentan na xustificación non ten carácter de recuperable para a entidade beneficiaria.
 9. O gasto total que tivo que asumir a entidade beneficiaria
 10. A conta xustificativa da subvención deberá presentar a relación total de gastos e de ingresos xerados tanto para a celebración do festival percibidos a través doutras Administracións Públicas, venda de entradas, donacións, publicidade, venda de produtos, comida ou bebidas, etc., que se xeren co mesmo. De xeito que de resultar un beneficio, a subvención minorarase na parte proporcional.
- A xustificación de ditos ingresos, deberá presentarse coa documentación correspondente. (Resolucións de concesións de subvencións, ingresos bancarios de publicidade, alquileres, declaración de impostos, etc.)



Previamente á aprobación do gasto, a área de cultura procederá á valoración de se, coa xustificación presentada pola Asociación se cumpre coa finalidade básica da subvención.

Por último a Asociación Millo Verde comprométese a non participar na concesión de subvencións que podería outorgar o Iltmo. Concello de Redondela conforme ás Bases de subvencións aprobadas no seu día pola Alcaldía ou órgano competente no ano 2025 pola mesma actividade que se recolle neste documento.



SEXTA.- O Concello de Redondela responsabilízase de:

- a) Tramitar a xustificación que presente no seu momento a Asociación.
- b) Colaborar para a boa execución deste convenio.
- c) Asumir unicamente o compromiso económico que se recolle na cláusula terceira, imputándose ó exercicio orzamentario do ano 2025.

Debido ás características deste convenio, non é necesario establecer consecuencias no caso de incumprimento dos compromisos asumidos por cada parte, mais alá de que no caso de que a Asociación xustificase unha contía inferior ó importe adiantado dos 12.000 € deberá proceder á devolución pola cantidade non xustificada, tendo o carácter de ingreso de dereito público ou dalgún desperfecto nas instalacións, medios ou recursos, que no seu caso, puxera a súa disposición o Concello.

SÉTIMA.- A Asociación Millo Verde é a única responsable de cantos danos, tantos físicos coma materiais, poidan ocasionarse ó Concello de Redondela e sexan consecuencia directa ou indirecta do uso ou actividade desenvolvida na realización do festival, quedando exento de toda responsabilidade o Concello.

Así mesmo, a Asociación Millo Verde asume a responsabilidade civil derivada da realización do festival, polo que o Concello de Redondela quedará exento de toda responsabilidade.

Igualmente, o Concello de Redondela quedará exento de toda responsabilidade derivada de actos do persoal dependente da devandita Asociación e de calquera persoa con quen esta se relacione.

Se o Concello fora condenado como responsable civil en procedemento civil ou penal, repercutirá a contía total á que ascende o fallo da sentenza á Asociación Millo Verde.

OITAVA.- Declárase a compatibilidade con outras subvencións, axudas, ingresos ou recursos para a mesma finalidade, procedentes de calquera Administración ou ente público ou privado, nacional, da Unión Europea ou de organismos internacionais, salvo as outorgadas polo Concello de Redondela. A sinatura do presente convenio suporá o recoñecemento por parte da representante da Asociación Millo Verde de que o importe total das subvencións obtidas, incluída á que se refire este convenio, das diferentes Administracións Públicas, non supere o custe das actividade a desenvolver polo beneficiario.

NOVENA.- O corpo normativo aplicable estará formado por:

- A Lei 38/2003, de 17 de novembro, Xeral de Subvencións.
- A Lei 9/2007, de 25 de xuño, de subvencións de Galicia.
- O Real Decreto 887/2006, de 21 de xullo, polo que se aproba o Regulamento da Lei 38/2003.
- Real Decreto 130/2019, de 8 de marzo, polo que se regula a Base de Datos Nacional de Subvencións e a publicidade das subvencións



e demais axudas públicas.

- A Ordenanza Xeral de subvencións do Concello de Redondela.
- As Bases de Execución do Orzamento do Itmo. Concello de Redondela.
- Con carácter supletorio o Dereito Administrativo.


DÉCIMA.- A Asociación Millo Verde queda expresamente comprometida/o e coñece todo o establecido nos Títulos II, III e IV da Lei 38/2003, de 17 de novembro, Xeral de Subvencións referidas ó reintegro de subvencións, control financeiro de subvencións e infraccións e sancións administrativas en materia de subvencións.

UNDÉCIMA.- Este Convenio ten carácter administrativo e a xurisdición contencioso-administrativa será a competente para o coñecemento das posibles cuestións litixiosas que puidesen xurdir como consecuencia deste. Corresponderá á Alcaldesa de Redondela a interpretación, modificación e resolución do convenio. A modificación realizarase a proposta do Concello de Redondela e sempre e cando conte con informes favorables. Para o cumprimento da letra f) do artigo 49 da Lei 40/2015, de 1 de outubro, de Réxime Xurídico do Sector Público, establécese a existencia dunha comisión paritaria na que a actuación do Concello deberá contar con informes favorables. O período de vixencia deste convenio finalizará coa aprobación da xustificación.

O presente convenio obriga ao cumprimento do expresamente pactado, someténdose ambas as dúas partes ao acordado en todas as cláusulas.

DUODÉCIMA.- Con respecto aos datos de carácter persoal que poderán derivarse da execución do presente convenio, as partes asinantes quedan expresamente obrigadas ao cumprimento da Lei Orgánica 3/2018, de 5 de decembro, de Protección de Datos Personais e Garantía dos Dereitos Dixitais e a súa normativa de desenvolvemento e ao Regulamento (UE) 2016/679 do Parlamento Europeo e do Consello de 27 de abril de 2016 relativo á protección das persoas físicas no que respecta ao tratamento de datos persoais e á libre circulación de estes datos e polo que se derroga a Directiva 95/46/CE (Regulamento xeral de protección de datos), así como das disposicións en materia de Protección de Datos que se atopen vixentes durante o período de vixencia do convenio.

O responsable do tratamento dos datos será o Concello de Redondela, podendo a Asociación Millo Verde exercer os dereitos de acceso, rectificación, cancelación e oposición ante o Concello de Redondela.

 Os datos persoais non serán comunicados a un terceiro, a non ser que deban facilitarse en cumprimento dunha obriga legal.

Os datos serán conservados o tempo necesario para poder levar a cabo o rexistro e as accións para as que se lle solicitaron.

Así mesmo, de conformidade co establecido na letra d) do apartado 2 do artigo 15 da Lei 9/2007, do 13 de xuño, de Subvencións de Galicia, os interesados poderán facer constar na súa solicitude o seu dereito a que non se fagan públicos os seus



CONCELLO DE REDONDELA

datos cando a publicación dos datos do beneficiario en razón do obxecto da subvención poida ser contraria ao respecto e salvagarda do honor e á intimidade persoal e familiar das persoas físicas en virtude do establecido na Lei orgánica 1/1982, do 5 de maio, de Protección civil do dereito ao honor, á intimidade persoal e familiar e á propia imaxe, e sexa previsto na súa normativa reguladora.

Conforme co mesmo o firman as persoas e no lugar e data arriba sinalados por triplicado exemplar.

A ALCALDESA DO CONCELLO
DE REDONDELA

Asdo: Digna Rosa Rivas Gómez

ASOCIACIÓN MILLO
VERDE

Asdo: Óscar Lusquiños Puga.



Anexo ó convenio no que se recollen as obrigas do beneficiario desta subvención

- 1.- Cumprir o obxectivo, realizar a actividade ou adoptar o comportamento que fundamenta a concesión das subvencións de acordo coa memoria presentada.
- 2.- Xustificar ante o Concello de Redondela, o cumprimento dos requisitos e condicións, así coma a realización da actividade e o cumprimento da finalidade pola que se concedeu a subvención.
- 3.- Someterse ás actuacións de comprobación e control financeiro que podan realizar os órganos de control competentes, aportando canta información lle sexa requirida no exercicio das actuacións anteriores.
- 4.- Comunicar ó Concello de Redondela a obtención doutras subvencións, axudas, ingresos ou recursos para a mesma finalidade. Esta comunicación deberá efectuarse tan pronto coma se coñeza.
- 5.- Acreditar que está ó corrente no cumprimento das súas obrigas tributarias e fronte á Seguridade Social, na forma que se determine regulamentariamente.
- 6.- Dispor dos libros, rexistros e/o documentos debidamente cumprimentados de acordo coa normativa aplicable ó beneficiario ou perceptor, coa finalidade de garantir o adecuado exercicio das facultades de comprobación e control.
- 7.- Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.
- 8.- Facer constar naquelas actividades subvencionadas que así o permitan, ca mesma conta coa subvención do Concello. Na publicidade impresa deberá constar o escudo e nome do Concello de Redondela.
- 9.- Proceder ó reintegro dos fondos percibidos nos supostos contemplados no artigo 37 da Lei 38/2003, de 17 de novembro, Xeral de Subvencións.
- 10.- Con carácter xeral, deberán desenvolver a actividade subvencionada no termo municipal de Redondela.
- 11.- As persoas xurídicas deberán estar validamente constituídas e rexistradas.

Polo que se refire á xustificación dos gastos é unha das obrigas de todo beneficiario co Concello de Redondela. Con carácter xeral, a xustificación realizarase mediante facturas orixinais ou compulsadas directamente relacionadas co obxecto da subvención, e no seu caso, correspondentes ó período para o que esta foi concedida. As facturas deberán conter os seguintes datos:

- a) Emisión á persoa ou entidade beneficiaria, con especificación do seu N.I.F. ou C.I.F., domicilio fiscal, localidade e código postal e o Departamento ou Servizo destinatario da prestación.



CONCELLO DE REDONDELA

b) Identificación completa do provedor ou contratista, especificando alomenos, en todo caso, a súa denominación, N.I.F. ou C.I.F., domicilio fiscal, localidade e código postal.

c) Número de factura.

d) Lugar e data de emisión da factura.

e) Descrición suficiente do subministro realizado ou do servizo prestado, con detalle das unidades obxecto do servizo ou subministro, cantidade e prezos unitarios de cada unha delas, contraprestación total, tipo tributario e cota do Imposto sobre o Valor Engadido.

f) Período que corresponda.

